

10 MAY 2001

AGONG TERIMA MENGHADAP PERDANA MENTERI ST LUCIA

KUALA LUMPUR, 10 Mei (Bernama) -- Yang di-Pertuan Agong Sultan Salahuddin Abdul Aziz Shah hari ini berkenan menerima menghadap Perdana Menteri St Lucia Dr Kenny David Anthony dan isteri Rose Marie di Istana Negara di sini.

Yang turut berangkat ialah Raja Permaisuri Agong Tuanku Siti Aishah.

Menteri Luar Datuk Seri Syed Hamid Albar dan Timbalan Menteri Sumber Manusia Datuk Dr Abdul Latif Ahmad selaku menteri pengiring juga hadir.

Dr Anthony dan delegasi tiga anggota termasuk Menteri Perancangan, Pembangunan, Alam Sekitar dan Perumahan Dr Walter Francois tiba semalam untuk lawatan lima hari.

Lawatan itu ialah sebagai kunjungan balas lawatan Perdana Menteri Datuk Seri Dr Mahathir Mohamad ke St Lucia tahun lepas.

Terdahulu, Dr Anthony diberi sambutan rasmi di Dataran Perdana, Kompleks Jabatan Perdana Menteri di Putrajaya.

-- BERNAMA
ZAI AZZ FAZ